

**CULLETTIVITÀ TERRITORIALE DI
CORSICA**

ASSEMBLEA DI CORSICA

**1^{MA} SESSIONE URDINARIA DI U 2016
REUNIONE DI I 14 È 15 D'APRILE DI U 2016**

**N^U 2016/
O1/013**

MUZIONE

- **POSTA DA** : M. Paulu Santu PARIGI A NOME DI U GRUPPU « FEMU A
CORSICA »
- **UGETTU** : DUMANDA DI CREAZIONE DI UNA AGREGAZIONE IN LINGUA
È CULTURA CORSA.

CUNSIDERENDU u votu magiuritariu di l'Assemblea di Corsica
appruvendu e pruposte pè un statutu di cuufficialità è pè a rivitalizazione di a
lingua corsa u 17 di maghju 2013,

CUNSIDERENDU u Pianu Lingua 2020 vutatu da l'Assemblea di
Corsica u 16 d'aprile 2015,

CUNSIDERENDU u nostru impegnu à prò di a salvezza è di a
prumuzione di tutte e lingue in periculu, chì sò patrimoni di l'umanità,

CUNSIDERENDU a situazione critica di l'insignamentu di e lingue
nantu à u territoriu francese,

CUNSIDERENDU u CPER 2015-2020 chì hà cunfirmatu a vulintà di u

Statu d'accumpagnà a generalizazione di u bislinguisimu in u sistema educativu in Corsica,

CUNSIDERENDU l'urgenza di dà tutta a so dignità à l'insignamentu di a lingua è di a cultura corsa in issu sistema,

CUNSIDERENDU a primura di garantisce a parità trà prufessori di sfarente discipline,

.../...

CUNSIDERENDU u pinseru di cansà u blucchime di a carriera di l'insignenti di lingua è cultura corsa è l'impossibilità di sbuccà à u quattru d'impiegù di Ispettore Pedagogicu Regionale in a disciplina, per via di l'assenza d'Agregazione di corsu,

L'ASSEMBLEA DI CORSICA

SPRIMA u so pinseru in quantu à a parità trà i percorsi professionali di i prufessori di corsu è di quelli di l'altre discipline.

DUMANDA l'identificazione di una risorsa umana qualificata à u livellu u più altu pè l'insignamentu di a lingua corsa ;

DUMANDA a creazione di una Agregazione di lingua è cultura corsa ;

DUMANDA à u governu di dà prestu una risposta à issa dumanda publicendu infine u dicretu pìrmittendu a creazione di una Agregazione in lingua è cultura corsa.

